

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 10 (10.315)

2005 ЙИЛ 13 ЯНВАРЬ

Ўзбекистон Республикаси Президентининг
ФАРМОНИ

**«Ватан ҳимоячилари
куни» муносабати билан
ҳуқуқни муҳофаза қилиш
органлари, Мудофаа ва
Фавқулодда вазиятлар
вазирликлари
ходимларидан бир
гурӯҳини мукофотлаш
тўғрисида**

Мамлакатимизнинг мудофаа салоҳиятини янада юксалтириш, сарҳадларимиз дахлсизлигини ва миллий хавфсизлигини таъминлаш, ёшларни миллий истиклол гоёси ва она-Ватанга садоқат руҳида тарбиялаш, ҳуқуқ-тартиботни мустаҳкамлаш ишига қўшаётган катта ҳиссаси, ижтимоий-сиёсий ҳаётдаги фаол иштироки учун қуйидагиларга фахрий унвонлар берилсин:

**«Ўзбекистон Республикасида хизмат кўрсатган ёшлар мураббийси»
Чернявский Юрий Тихонович** — Самарқанд Олий автомобиль кўмондонлик-муҳандислик билим юрти кафедраси доценти.

«Ўзбекистон Республикасида хизмат кўрсатган юрист»

Усманов Владислав Максимович — Тошкент шаҳар ички ишлар бош бошқармаси бошлигининг ўринбосари
Мамлакат Куроли Кучларининг жанговар ва сиёсий тайёргарлигини ошириш, халқимизнинг осойишталигини муҳофаза этиш ҳамда хизмат бурчини бажариш чоғида мардлик ва фидойилик намунасини кўрсатгани, миллий манфаатларимизни ҳимоя қилишдаги жасорати, юртимизда тинчлик ва барқарорликни мустаҳкамлаш борасидаги катта хизматлари учун қуйидагилар мукофотлансин:

**«Меҳнат шухрати» ордени билан
Лутпуллаев Шукрулло Қудратиллаевич** — Тошкент вилоят божхона бошқармаси бошлигининг биринчи ўринбосари

**II даражали «Шон-шараф»
ордени билан**

Абдуллахонов Равшан Наримонович — Миллий хавфсизлик хизмати ходими

Ботиров Тўлқин Жўраевич — Мудофаа вазирлигининг взвод командири ўринбосари

Жўраев Саъдулло Раҳматуллаевич — Чегара қўшинларининг кўриқловчи кемалар ва катерлар алоҳида базаси командири

Ибодуллаев Отабек Сапабоевич — Мудофаа вазирлигининг танк бригадаси командири

Корабоев Маҳмадали Турсунбоевич — Ички қўшинлар ҳарбий қисми командирининг тарбиявий ишлар бўйича ўринбосари

Маҳмадиев Сами Саид-Абдуллаевич — Мудофаа вазирлигининг авиация эскадрильяси командири

Сапаров Абдуҳаким Уролбекович — Тошкент шаҳар ички ишлар бош бошқармасининг патруль пост хизмати бригадаси гуруҳ командири

Сатторов Талъат Субхоневич — Бухоро вилояти ички ишлар бошқармаси бошлиғи

Убайдуллаев Шухрат Шавкатович — Мудофаа вазирлигининг десант ишғолчи бригадаси командири

Ҳожиакбаров Омонуллахон Тўлкинович — Миллий хавфсизлик хизмати ходими

Давоми 2-бетда.

Ўзбекистон Республикаси Президентининг
ФАРМОНИ

**А.Қ.Қодировни Ўзбекистон
Республикасининг Туркманистондаги
Фавқулодда ва Мухтор элчиси этиб
тайинлаш тўғрисида**

Алишер Қодирович Қодиров Ўзбекистон Республикасининг Туркманистондаги Фавқулодда ва Мухтор элчиси этиб тайинлансин.
Ўзбекистон Республикаси Президенти
И.КАРИМОВ

Тошкент шаҳри,
2005 йил 12 январь

Ўзбекистон Республикаси Вазирлар Маҳкамасининг
ҚАРОРИ

**ҚУРБОН ҲАЙИТИНИ
НИШОНЛАШ ТЎҒРИСИДА**

Муборак Қурбон ҳайитини шоду хуррамлик билан ўтказиш халқимизнинг азалий анъаналаридан экани, ушбу сананинг жамиятимиз маънавий ҳаётида муҳим ўрин эгаллаши ва «Сиҳат-саломатлик йили»да инсонларда руҳий-маънавий, жисмоний поклик сифатларини шакллантиришдаги аҳамиятини эътиборга олиб ҳамда Ўзбекистон Республикаси Президентининг «Диний байрам - Қурбон ҳайитни дам олиш куни деб эълон қилиш ҳақида» 1991 йил 20 июндаги ПФ-221-сон Фармони ижроси юзасидан Вазирлар Маҳкамаси **ҚАРОР ҚИЛАДИ**:

1. 2005 йилда Қурбон ҳайитининг биринчи куни 21 январьга тўғри келиши ҳақида Ўзбекистон мусулмонлари идораси Уламолар Кенгашининг қарори эътироф этилсин ҳамда 21 январь куни мамлакатимизда дам олиш куни деб эълон қилиниб,

байрам сифатида кенг нишонлансин.

2. Мутасадди идора ва жомат ташкилотлари Қурбон ҳайитининг жойларда тартибли ва юқори даражада ўтиши учун тегишли тадбирларни амалга оширсинлар.

Вазирлар Маҳкамасининг Раиси
И.КАРИМОВ

Тошкент шаҳри,
2005 йил 12 январь

**ШАҲАР КЕНГАШИ
СЕССИЯСИ**

Кеча Тошкент шаҳар Кенгаши янги депутат корпуси вакилларининг биринчи ташкилий сессияси бўлиб ўтди. Унда халқ депутатлари Тошкент шаҳар Кенгашига сайловлар юзасидан шаҳар сайлов комиссиясининг ақуний ҳисоботи тингланди, учинчи қақриқ депутатларининг ваколатлари тасдиқланди, ташкилий масалалар кўриб чиқилди.

Сессияда сайлов кампанияси даврида амалга оширилган ишлар бўйича халқ депутатлари Тошкент шаҳар Кенгашига сайлов ўтказувчи шаҳар сайлов комиссиясининг раиси Алишер Абдурахмонов ахборот берди.

Пойтахтда халқ депутатлари Тошкент шаҳар Кенгашига сайлов ўтказувчи 60 та сайлов округи ва уларнинг доирасида 664 та сайлов участкалари ташкил этилди. Шаҳар сайлов комиссияси томонидан 316 нафар номзод рўйхатга олинди, ўрта ҳисобда ҳар бир округ бўйича 5-6 тадан, шу жумладан «Адолат» СДПдан — 50, Миллий тикланиш ДП ва Фидокорлар МДПдан — 55 тадан, УЗЛИДеП ва ХДПдан — 60 тадан, фуқароларнинг ўзини ўзи бошқариш органларидан — 31 ва сайловчилар ташаббускор гуруҳларидан — бешта номзод қайд этилди. Сайлов кунига қадар 38 киши ўз номзодини қайтариб олди.

Электоратнинг 81 фоизи иштирок этган сайловлар натижаларига кўра 44 нафар депутатнинг номи аниқланди. 2005 йил 9 январь куни 16 округ бўйича тақро-

ри овоз бериш бўлиб ўтди. Ушбу жараёнда ҳар бир округ бўйича асосий сайловларда энг кўп овоз тўплаган иккитадан номзод депутатлик мандати учун беллашувни давом эттирди. Натижада 325 мингга яқин сайловчиларнинг 70,7 фоизи қўллаб-қувватлаши остида 32 номзод орасидан 16 нафари депутат мақомига сазовор бўлди.

Шундай қилиб, сайлов кампаниясининг икки турдаги асосий босқичлари натижаларига кўра Тошкент шаҳар Кенгашининг бешта сиёсий партия ҳақида мустақил номзодлар вакилларидан иборат депутатлик корпуси шаклланди. Жумладан, «Адолат» СДПни — тўрт, Миллий тикланиш ДПни — бир нафар, фуқаролар ўзини ўзи бошқариш органларини — 11, сайловчилар ташаббускор гуруҳларини — бир нафар, УЗЛИДеПни — 24, Фидокорлар МДПни — 7, ХДПни — 12 нафар депутат ифода этади.

Сессияда ташкилий масала кўрилди. Рустам Шоабдурахмонов Тошкент шаҳар ҳокими этиб тасдиқланди.

Ильмира ЗАЙНУТДИНОВА

ХУҲИ САДОСИ
Барча маъбаладан
олинган сўнги хабарлар

Мамлакатимизда

• Франциянинг мамлакатимиздаги элчихонасида энг замонавий тиббий асбоб-ускуналар билан жиҳозланган иккита тез тиббий ёрдам машинасини топшириш маросими бўлиб ўтди. Мазкур замонавий машиналар Қашқадарё вилояти ҳамда Қорақалпоғистон Республикаларига тухфа қилинди.

• Алишер Навоий номидаги Ўзбекистон Миллий кутубхонаси ҳамда Эрон Ислам Республикасининг Миллий кутубхонаси ва Эроннинг архив ҳужжатлари бўйича ташкилоти ўртасида ўзаро бир-бирини англаш меморандуми имзоланди.

• Бухоро шаҳридаги коммунал хўжалик касб-хунар коллежига JICA — Япония халқаро агентлиги 30 ўринли «Ниссан» автобусини совға қилди.

• Қорақалпоғистоннинг Тўрткўл туманида ўтган йили етиштирилган пахта ҳосилининг бир қисми «Тўрткўл оқ олтини» акциядорлик жамиятида қайта ишланиб Швейцарияга жўнатилган эди. Яқинда Тўрткўл толасига Швейцария Халқаро сифат жағмарасининг олтин медали берилганлиги тўғрисидаги хушхабар келди.

• Ўзбекистон Бадиий академиясида рангасвир устаси Икром Баҳромовнинг «Болалик йўлларида» деб номланган шахсий кўргазмаси очилди.

• Алишер Навоий номидаги Наманган вилоят театр жамоаси шу кунларда вилоят туман ва қишлоқларга бўлиб, меҳнаткашларга янги сахна асарларини намойиш этмоқда.



Жаҳонда

• Шу пайтгача федерал апелляциясида судида фаолият кўрсатган Майкл Чертофф АҚШ Миллий хавфсизлик вазирлигининг янги раҳбари этиб тайинланди.

• Сербия ва Черногория ҳукуматлари яқин кунларда Македония билан чегарани кўриклаётган армия бўлинмаларини полиция қисмларига алмаштиришни режалаштирмоқда.

• Жанубий Калифорнияда беш кун давомида тўхтовсиз ёққан ёмғирлар натижасида тошқинлар ва ер қўқиллари 21 кишининг ҳаётига зомин бўлди. Лос-Анжелес округида табиий офатлар томонидан етказилган зарар 28,9 миллион АҚШ долларидан баҳоланмоқда.

• Туркия жанубида жойлашган меҳмонхоналарнинг бирда газ портлаши натижасида 28 киши ярадор бўлган.

• Саудия арабистонилик жарроҳ Абдалла Ар-Рабица бошчилигидаги 70 нафар тиббиётчилар бригадаси Эр-Риёд шаҳрида сиазм эгизаклари Олга ва Дарьяни ажратиш бўйича 18 соатлик жуда мураккаб жарроҳлик амалиётини ўтказдилар. Эндиликда эгизаклар ўтирадилар ва оддий кийим кийишлари мумкин.

Иқтисодий

ҲАМКОРЛИК
АСОСИДА

Корхонада ишчи-хизматчиларнинг баракали меҳнатлари учун яратилган қўлай шарт-шароитлар, сифатли хом ашё, рақобатбардош маҳсулотлар ишлаб чиқарилишига асосий замин ҳисобланади.

60 йилдан ортиқ фаолият юритаётган «Асбобсо» очик акциядорлик жамияти жамоаси ўтган йилни муваффақиятли якунлаб, янги йилни янгича куч-гайрат билан бошлади. Жамоа аҳлининг 90 фоиз маҳсулотлари — 2000 турдан ортиқ бўлган металл қирқувчи асбоблар, прессформа, штамповкалар ҳамда ностандарт усуналар 3 та асосий цехда тайёрланади.

Мазкур корхонага хом ашё Россия ҳамда Украина давлатларидан келтирилади ва тайёр маҳсулотнинг асосий қисми ўша мамлакатларга шартномага асосан жўнатилади. Республикада фаолият юритаётган қишлоқ хўжалик ва авиа-созлик корхоналари ҳам жамиятда ишлаб чиқарилаётган сифатли асбобсозлик маҳсулотларининг доимий миқозлари ҳисобланади.

Эътиборга сазовор томони, корхона тadbиркорлари тинимсиз изланиб, маҳсулотлар турларини кўпайтириш устида иш олиб боришмоқда. Жорий йилда, албатта ушбу изланишлар ўз самарасини беради.

ХУНАР

ЎРГАНИШМОҚДА

Мустақиллик йилларида хунармандларга давлатимиз томонидан кўрсатилаётган катта эътибор ва ғамхўрлик туфайли улар томонидан бетақдор санъат асарлари даражасидаги маҳсулот, буюмлар яратилмоқда.

Яккасарой туманида ўзбек халқ маданиятининг нақадар бой ва гўзаллигини ёшларга кўрсатиб, хунармандлик доврўгини юксакларга кўтаришга бел боғлаган зардўз Насиба Раҳматова фаолияти бунга яққол мисол бўла олади.

— Узоқ йиллар ёшларга тарих фанидан сабоқ бердим, ҳозирда нафақаданман, — дейди Насиба Раҳматова, — шу билан бирга, зардўзлик санъатидан бирон кун узоқлашмадим, чунки гўзалликка ошно қалб доимо ўзи ҳам гўзаллик яратишга интилаверади.

Хунарманд аёл бугунги кунда «Рақат» маҳалласида зардўзлик санъатининг иштиёқмандларига санъатнинг сеҳрли олами сир-синоатларидан сабоқ бермоқда. Маҳалла кўмитаси қошидаги тўғараққа 7 нафар мактаб ўқувчи қизлари фаол қатнашмоқдалар.

Муҳаббат
ҲАБИБУЛЛАЕВА

14 январь — Ватан ҳимоячилари кўни

ФАХРИЙЛАР ВА
ЁШЛАР УЧРАШУВИ

Ҳар йили Республикада Ватан ҳимоячилари кўни арафасида мудофаага кўмаклашувчи «Ватанпарвар» ташкилоти томонидан қатор тadbирлар ўтказилади. Айниқса, пойтахтимизнинг туман ва маҳаллаларида бўлиб ўтаётган уруш ҳамда меҳнат фахрийлари билан учрашувлар ёшларда ватанпарварлик хислатларини камол топтиришда муҳим аҳамият касб этмоқда.

Ана шундай тadbирлардан бири кўни кеча Ҳамза тумани мудофаага кўмаклашувчи «Ватанпарвар» ташкилоти ташаббуси билан ўтказилди. Кўтаринки руҳдаги тadbир давомида қартир спорт тури бўйича кўргазмали чиқишлар, авиаракета модели турларининг намоиши бўлиб ўтди.

«Маънавият ва маърифат» маркази, «Нуроний» жамғармасининг туман бўлимлари ҳамкорлигида уюштирилган ушбу тadbирда икки авлод вакиллари — уруш қатнашчилари ва ёшлар иштирок этишди.

Фахрийларнинг суронли уруш йиллари ҳақидаги ибратли ҳикоялари ёшларда урушга

нафрат, тинч, осуда кўнлар қадрига етишга бўлган хоҳиш-истакларнинг қуртак отишига замин ҳозирлади.

Тadbирнинг тантанали қисмида бочка тарбияланувчиларининг байрам концерт дастури ёшу кекса кўнлига чинакам байрамона кайфият улашди.

Шундан сўнг «Ўзбектефильм» ижодкорлари томонидан яратилган ҳужжатли фильмнинг намоиши бўлиб ўтди. Ушбу фильм мамлакатимиз сархадларининг дахлизлиги, Ўзбекистон ҳудудида яшаётган ҳар бири киши она юрт ҳимояси учун доим тайёр туриши, Ватан истиқболи учун қайғуриш ҳар биримизнинг муқаддас бурчимиз эканлиги ўз ақсини тоғланлиги билан эътиборга лойиқдир.

Хидирали ПАНЖИЕВ

ИЧКИ ҚЎШИНЛАР — ЭЛ-ЮРТИМИЗ
ОСОЙИШТАЛИГИ ПОСБОНЛАРИ

Мамлакатимиз мустақиллигини ҳимоя қилиш, халқимизнинг тинч, осуда ҳаётини таъминлашда Ўзбекистон Республикаси Ички ишлар вазирлигининг ички қўшинлари муҳим ўрин тутаяди.

Замонавий ҳарбий техника, қурол-аслаҳа ва алоқа воситалари билан таъминланган бу жанговар қўшин ўта муҳим ва тоифаланган иншоотларни қўриқлаш ҳамда тезкор ҳаракатланувчи махсус бўлинмалар ҳаракати бўйича фаолият юритади.

— Мамлакатимиз Президенти Ислам Каримовнинг Фармони га биноан бундан ўн уч йил муқаддам тузилмамиз дастлаб Ички қўшинлар бошқармаси шаклида ташкил этилганди, — деди ички қўшинлар кўмондони генерал-майор Жўра Фозил ўза муҳбирига. — Шу боис айни пайтда ҳарбий қисм ва бўлинмаларимизда Қуролли Кучларимиз ҳамда Ички қўшинларнинг ўн уч йиллиги кенг нишонланмоқда.

Вазирлар Маҳкамасининг

тегишли қарорига кўра 1999 йилда қўшинимиз ички ва қорув қўшинлари бош бошқармаларига бўлинди. Шунингдек, милиция қисм ва бирлашмалари негизда тезкор ҳаракатланувчи махсус батальонлар ташкил этилди. Утган йиллар шахсий таркиб учун шаклланиш ва синов даври бўлди.

Ҳарбий хизматчиларимиз жамоат тартибини сақлаш ва жиноятчиликка қарши кураш борасидаги вазифаларни сикдикдилан уddалашга бел боғлаган. Утган йили улар томонидан олти юз нафардан ортиқ чет эл фўқроси мамлакатимизда ноқонунли ашаб юргани аниқланди. Жиноятга қўл урган қимсалардан ўттизта ўқ отар қурол, мингдан ортиқ патрон, кўплаб портловчи ҳамда наркотик моддалар мусодара

қилинди.

Таъкидлаш жоизки, 1999-2000 йилларда юртимизга суқулиб кирмоқчи бўлган бир гуруҳ террорчиларга қарши курашда ҳарбий қисм ва бўлинмаларимиздан жалб этилган Фулом Хусанов, Фарход Абдуллаев, Равил Василев, Владимир Воронов каби жасур сержант ва офицерларимиз қаҳрамонларча ҳалок бўлди. Бултур март-апрель ва июль ойининг охирида Тошкент ва Бўхоро вилоятларида юз берган террорчилик ҳуружларига барҳам бериш пайтида ҳам ҳарбийларимиз катта жасорат кўрсатишди.

Шахсий таркибининг масъулияти ва шарафли хизматлари ҳукматимиз томонидан муносиб тақдирлаб келинапти. Ўнлаб хизматчиларимиз мам-

лакатимизнинг юксак ордон ва медалларига сазовор бўлган. Ҳарбийларнинг касб маҳорати ва интеллектуал салоҳиятини оширишга ҳам етарлича эътибор қаратилмоқда. 2004 йилда тўрт нафар ҳарбий хизматчимиз Қуролли Кучлар бўйича ўтказилган «Энг илғор мутахассис» танлови ғолиблари сафидан жой олди.

Айни пайтда кўплаб ҳарбийларимиз сержантлар тайёрлаш мактабларида, олий ҳарбий билим юртлири ҳамда Қуролли Кучлар академиясида ўз мутахассислиги бўйича малака оширмоқда. Замонавий компьютер хоналари, тренажёр, кутубхона, спорт ва дала-машқ майдонлари улар ихтиёрида.

Ички қўшинлар Ватанимиз мустақиллиги, халқимиз осойишталигини қўриқлашдек юксак бурч ва масъулиятни чуқур ҳис этиб, она-юртимизга, халқимиз ва Президентимизга садоқат билан хизмат қилишнинг узларининг қундалик турмуш тарзига айлантирганлар.

Холмурод САЛИМОВ,
Ўза муҳбири

ЎЗБЕКИСТОН - ЕВРОПА ИТТИФОҚИ:

ҲАМКОРЛИКНИ ЧУҚУРЛАШТИРИШДА
ЯНГИ ҚАДАМ

Брюсселда «Ўзбекистон — Европа Иттифоқи» ҳамкорлик кўмитасининг бешинчи йиғилиши бўлиб ўтди. Мазкур комиссия фаолияти Ўзбекистон Республикаси ва Европа Иттифоқи ўртасида имзоланган Шериклик ва ҳамкорлик тўғрисидаги битимни бажариш масалаларига қаратилган.

Йиғилишда Ўзбекистон Республикаси бош вазирининг ўринбосари, Ташқи иқтисодий алоқалар агентлиги раиси Э. Ганиев бошчилигидаги мамлакатимиз ҳайъати иштирок этди. Европа томонидан Европа Иттифоқи Комиссияси бош директори Европа, Кавказ ва Марказий Осиё мамлакатлари билан алоқалар бўйича директори У. Мингарелли раислик қилди.

Комиссия йиғилишида савдо-иқтисодий, сарможий, илмий-техникавий ҳамкорликни янада кенгайтириш, техникавий кўмак, минтақавий интеграцияни ривожлантириш, шунингдек, сиёсий соҳада ҳамкорлик қилиш, халқаро терроризм, гиванд моддаларнинг ноқонунли айланиши ва уюшган жиноятчиликка қарши кураш билан боғлиқ масалалар муҳокама қилинди.

Европа ҳайъати раҳбари У. Мингарелли «Ўзбекистон — Европа Иттифоқи» ҳамкорлик кўмитаси йиғилиши якунларига баҳо бериб, «Жаҳон» агентлиги муҳбирига шундай деди:

— Ўзбекистон ҳайъати билан ўта муҳим учрашув ўтказдик. Унинг диққат марказида Шериклик ва ҳамкорлик тўғрисидаги битимни бажариш билан боғлиқ кенг кўламдаги масалалар турди. Европа Иттифоқи Ўзбекистонни Марказий Осиёдаги муҳим стратегик ҳамкор сифатида билади ва ўзаро манфаатли, барча йўналишларда самарали ҳамкорликни ривожлантириш ниятида.

Биз Ўзбекистон ҳукумати сиёсий

ва иқтисодий ислохотлар ўтказишда кўлга киритган тараққиётни мамуният билан қайд қиламиз. Шу муносабат билан ақинда бўлиб ўтган парламент сайловлари якунлари мамлакатни янада демократлаштиришда муҳим қадам бўлганини эътироф этиш керак. Европа томони, шунингдек, Ўзбекистоннинг иқтисодий ва бозор ислохотлари борасида эришаётган ютуқлари, терроризм ва наркотрафика қарши курашдаги маъқеани юқори баҳолайди.

Биз Президент Ислам Каримовнинг минтақавий ҳамкорликни мустаҳкамлаш, хусусан, Марказий Осиё умумий бозорини барпо қилиш бўйича ташаббусларини қўллаб-қувватлаймиз ва Европа интеграцияси тажрибасидан келиб чиққан ҳолда мазкур масалада консултация кўмак беришга тайёрмиз, — дея қайд этди У. Мингарелли.

Шуни таъкидлаш лозимки, Европа Иттифоқи ЕИнинг 2007-2013 йиллари мўлжалланган янги Регламенти доирасида Марказий Осиё мамлакатларига ташқи кўмак дастурини янада ривожлантиришни назарда тутмоқда. Бу ЕИнинг минтақавий фаолиятини чуқурлаштириш, икки томонлама савдо-сотиқ ва сарможларни кўпайтириш, минтақа мамлакатларини Жаҳон савдо ташкилотига аъзо бўлиши, иқтисодий ва молиявий ҳамкорлик кўламини сезиларли кенгайтиришга хизмат қилади.

«Жаҳон» АА,
Брюссель

ПЛАСТИК КАРТОЧКА —
ҚУЛАЙ ВА АФЗАЛ

Вазирлар Маҳкамаси мамлакатимизда тўлов воситасининг замонавий усули — пластик қарточкалардан кенг фойдаланишни йўлга қўйиш мақсадида ўтган йил 24 сентябрда пластик қарточкалар асосида ҳисоб-китоб қилиш тизимини янада ривожлантириш чора-тadbирлари тўғрисида қарор қабул қилган эди.

— Ҳукуматимизнинг ушбу қарори аҳоли кенг қатламлари орасида пластик қарточкаларни омаллаштиришда муҳим омили бўляпти, — деди «Фаллабанк» бошқаруви раисининг биринчи ўринбосари Абдуносир Раҳмонов ўза муҳбирига. — Қарор ижросини амалга ошириш учун келгуси йил охирига қадар олти миш мионг дон пластик қарточка муомаласига чиқарилиши мўлжалланмоқда. Шу давр мобайнида ярим мингдан ортиқ терминал ўрнатилиши ҳам лозим бўлади. Ҳозир бу вазифани ўз вақтида бажариш учун барча зарур шарт-шароит яратилмоқда.

Бугунги кунда юздан ортиқ савдо ва хизмат кўрсатиш шохобчасини терминаллар билан таъминлаш жараёнини ниҳоясига етказилди. Айрим ташкилот, корхона ва фирмаларнинг ходимлари иш ҳақини пластик қарточка орқали олиши йўлга қўйилди. Ихтиёрийлик асосида жорий қилинаётган бундай лойиҳалар ўзини тўла оқламоқда.

Пластик қарточка фойдаланувчи учун қатор қўлайлик ва афзалликларга эга. Молиявий операцияларни амалга оширишда ҳар икки томоннинг вақти тежаллади ва хизмат ҳақи тўлашда харажатлар камаяди, унда чекланмаган миқдорда маблағ жойлашти-

риш мумкин, қолган маблағ эса ой ўтган сайин қўшимча даромад бериб боради.

Нақд пулсиз ҳисоб-китобнинг қўлай шакли ҳисобланган пластик қарточка йўқолиб қолганда ҳам мутлақо хавфсиздир. Йўқолган қарточка эгаси бу ҳақда банкка хабар берса kifоя. Қарточка фақат эгасигагина маълум код — пароли билан ҳимоялангани боис бошқа киши ундан фойдалана олмайди.

Айтиш жоизки, бундай қарточкалар миқозларимизга бепул берилаяпти. Унга қайси банкда хизмат кўрсатилишидан қатъи назар, ўз қарточкаси ёрдамида истанган жойдаги терминал тармоқлари орқали тўловни амалга ошириши таъминланган. Зарурат туғилганда банкларнинг жамғарма шохобчаларидаги терминаллар ва банкмактардан нақд пул олиш имкони мавжуд.

Ҳозир юртдошларимиз савдо ва умумий оқватланиш ҳамда автомобилларга ёнигли куйиш шохобчаларида, авиа ва темир йўл чипталари, коммунал ва уяли алоқа хизматлари, ўқув-контракт тўловларини амалга оширишда пластик қарточкалардан айниқса самарали фойдаланаётдилар.

Ўза муҳбири
Лазиз РАҲМАТОВ
ёзиб олди

Шарқ дурдоналари

03-03 ҲАММОН

Доно бўлур...

• Доно одам олдида қандай гап айтмайлик, у гапимизни ақл тарозусида ўлчаб, сўнг ўзимизга баҳо беради. Зеро, агар биз бирон одам ғийбатини қиладиган бўлсак, доно ҳамсуҳбатимиз эзгуликда бизнинг одамларга ғараз ниятда эканлигимизни тушунади. Кейинчалик бизга ҳатто эътибор бермай қўяди. Чунки биз бошқа бир одам билан суҳбатлашганимизда унинг ҳам ғийбатини қилишимизни тушунади.

Байт:

Биродар, ҳар кимки айласа ғийбат, Лойқидир ундайга дейилса лаънат. Бундайларнинг жойи жаҳаннам бўлур, Ғийбатчига билсанг бу ҳам кам бўлур.

• Одоб ҳазинасини юрагига жойлаган бир йигит бор эди. У ўз бахтини топпай, бир неча вақт сарсон ва саргардонликда юрди. У ердаги қийинчилик ва макру ҳийлаларга қанчалик сабр қилмасин, биронта фойда кўрмади. Қоронгу тунарни оғир ҳаёллар билан ўтказди.

Бир куни Анушервон мажлис уюштириб қолди. У ўз мулозимларидан:

— Энг юмшоқ нарса нима? — деб сўради.

Утирганлардан бири: «Шоҳи», деди, иккинчиси эса: «Товуқ патлари», деди. Бошқа бирови эса: «Ипақдан ҳам юмшоқ нарса бўлиши мумкинми?» деди. Шу онда ҳалиги йигит ҳам саррой четида турган эди. Мулозимларнинг жавобидан Анушервоннинг кўнгли тўллаганини қўриб, сўзлашга ижозат сўради. Ижозат бўлгач деди:

— Энг юмшоқ нарса тинчликдир.

Анушервон унга офарин айтиди ва яна сўради:

— Энг яхши овқат қандай овқат?

— Шаҳвоний хирсини оширмайдиган ва танда ҳеч қандай иллат туғдирмайдиган овқат энг яхши овқат, — деб жавоб берди йигит.

Анушервон яна ундан:

— Гулларнинг энг хушбўйи қайси? — деб сўради.

— Энг ҳидли гул ота-онани тирикчилигида рози қиладиган, ўлгандан кейин эса уларнинг номини абадийлаштирадиган қобил фарзанд, — деб жавоб берди йигит.

Анушервон йигитни тақдирлади ва ўз ҳакамлари орасига олди.

Байт:

Куннинг жамолини кўрай деса ким, Тунда сабр қилмоқ ёлғиз чораси. Гавҳар кидирувчи меҳнатдан кўркса, Қўлга чиқмағай дурнинг сараси.

ЎЗБЕКИСТОН ИҚТИСОДИЙ ЭРКИНЛИК ИНДЕКСИДА

“Наследие” (“Мерос”) жамғармаси ва “Уолл стрит жорнэл” томонидан тайёрланган Иқтисодий эркинлик индексига биноан ўтган йил дунё янада эркинроқ бўлди, — деб ёзилади “Вашингтон таймс” газетасининг шу йил 9 январь сониди.

Иқтисодий эркинлик индексини тайёрлашда, жумладан, солиқ солиш, монетар сиёсат, мулкка эга бўлишга ҳуқуқи каби талаблар ҳисобга олинган. Ўтказилган таҳлил эркинлик ва иқтисодий тараққиёт ўртасидаги бевосита боғлиқлики намоян эди.

“Иқтисодий ноқобил ва репрессив ҳукуматлар жаҳондаги иқтисодий муаммоларнинг манбалари экани ўз тасдиғини топган, — деб ёзади “Вашингтон таймс”. — Бизнинг фикримизча, зуравонлик ва самарасиз сиёсий тизимлар ҳукмрон мамлакатлар энг кўп иқтисодий муаммо-

ларга дуч келаётгани ҳам тасодиқий ҳол эмас”.

Шуни мамнуният билан таъкидлаш лозимки, Ўзбекистон Болгария, Венгрия, Польша, Украина ва яна бир қатор давлатлар сафида “ўтган йили юқори тараққиётга эришган” ўнта давлат рўйхатига киритилди. Шу муносабат билан “Вашингтон таймс” ушбу гуруҳда трансформация босқичидан ўтаётган давлатлар борлигини қайд этиб, айнан иқтисодий эркинлаштириш бундай тараққиётга олиб келганини таъкидлайди.

“Жаҳон” АА

Саломатлик мезони бўлган санитария-гигиена амалларига риоя қилиш, тўғри, тартибли овқатланиш, жисмоний тарбия, ибратли меҳнат билан шугулланиш, мусаффо ҳаво, ғўзал табиатдан баҳраманд бўлиш, асабини бузадиган вазиятлардан узоқ бўлиш, қуруқ тухмат орасида қолмаслик, кайфиятнинг зиёда бўлишига омилкорлик қилувчи самимиий, илик муносабатлар билан ҳаёт кечиришга нима етсин. Буларнинг барчаси инсон саломатлигининг гарови, умрбоқийлик омилларидан ҳисобланади.

Маълумки, инсоният ўзининг ибтидо-сидан бошлаб у ёки бу усулда ювиниб, баданини позика қилишга ҳаракат қилиб келди.

Шуни қайд қилиб ўтишимиз мумкинки, ҳозирда қарийб ҳар бир хонадонда ювиниш учун тоза сув шохобчалари маъжуд. Замонавий уйларнинг аксариятида мўъжазгина бўлса-да, ҳаммом, мўрча, обзанлар (ванна) бор. Қишлоқ, посёлка шароитларида жамоат ҳаммомлари аҳоли хизматида эканини биламиз.

Гап орасталик қошонаси ҳаммом устида кетар экан, шуни таъкидлаб ўтиш лозимки, ҳар нарсанинг ўз фойдаланиш усули ва меъёри бор. Ҳаммомдан ўринли фойдаланишда ҳам ҳислат кўп. Ҳаммомдан аниқ мақсад билан, суистеъмол қилмай, оқилона фойдаланиладиган бўлса, сўзсиз бу оддий, қадимий амал билан инсон нафақат саломатлигини сақлаб қолади, балки бир қатор хасталиклардан ҳам фориғ бўлиши мумкин.

Ҳаммомнинг жуда кўп ҳислатлари борки, уларни санаб интиҳосига етиш қийин. Жумладан, XIX асрнинг охирида Манассеин клиникасида олиб борилган тадқиқотлар шуни кўрсатадики, ҳаммом қандили диабетда ижобий таъсир кўрсатади. Маълумки, мазкур хасталикда моддалар алмашинуви жараёни бузилади, айниқса карбонсувлар, углеводларнинг алмашинуви издан чиқади, бу ҳол эса ўз навбатида қон таркибида қанд моддаси йиғилишига олиб келади. Натижда, беморнинг умумий ҳолсизланиши содир бўлади, ички аъзолари, асаб тизими, кўз, томирларини асоратлаб, оғир юрак-қон томир касаллиқларига мубтало бўлиши мумкин.

Одатда диабет касаллиғига инсулин гормони воситасида даво қилинади. У карбонсувлар алмашинувини идора этади. Фин биохимиклари олиб борган тадқиқотларга асосланадиган бўлса, саунага тушилганда қон таркибига маълум даражада қанд миқдори камайиши кузатилади. Чунки муолажа ошқозон ости беши фаолиятини фаоллаштиради. Бу без инсулин ишлаб чиқариш хусусиятига эга.

Одатда семиз кишилар орасида қандили диабет билан оғрийдиган беморлар нисбатан кўп учрайди. Бу борада ҳаммомнинг жазираси инсон аъзоларида кечадиган моддалар алмашинуви жараёни кучайтиради, бунинг натижасида

одамнинг ҳуссаси ихчам тартади. Шуни эсда тутиш керакки, ҳаммомли муолажани кўлловчи беморлар ниҳоятда озиб кетган бўлмасликлари керак.

Ҳаммом ҳозирда энг кўп учрайдиган хасталиклардан бири ҳисобланган юрак-қон томир хасталикларига ҳам даволи таъсир кўрсатади. Жумладан, фин шифокорлари қон айланишида нуқсон бўлган беморларга саунадан фойдаланишни тавсия этадилар. Шуни қайд этиб ўтиш керакки, хавфли касаллик бўлиши инфаркт ва инсульт ҳам қон айланишининг бузилишидан келиб чиқади. Табиий ҳол, киши

2005 — Сухат-саломатлик йили

ОРАСТАЛИККА ЭЪТИБОР БЕРИНГ

Инсон 100 йил яшаши мумкин. Лекин биз ўзимизнинг тийжисизлигимиз, пала-партишлигимиз, ўз аъзоларимизга нисбатан шафқатсизлигимиз туфайли бу муддатни кўп йилларга қисқартириб юборамиз.

И.Павлов

Дарҳақиқат, инсоннинг умри нисбатан жуда қисқа. Унинг узоқ умр кўриши кўп жиҳатдан ўзига боғлиқ, дейдилар. Киши қанчалик ўз саломатлигининг қадрига етса, уни покиза, беиллат бўлишига ҳаракат қилса, хасталиклардан ҳоли бўлиши мумкин.

қаттиқ кўрқанида, сесканганида, ғазабланганида, ниҳоятда хаяжонланганида унинг юраги таъсирланади. Киши аъзоларининг фаолиятини бошқариб турувчи марказий асаб тизими қанчалик тинч бўлса, юрак касаллиқка шунча кам учрайди. Илиқ сўз, ширинсуханлик, дилбар қўшиқлар, ғўзал табиат қўнида бўлиш асаб торларини тинчлангирди, дилингизни равшан қилади. Ҳаммомли муолажалар ҳам киши руҳиятига ижобий таъсир этиб, асаб таранглигидан ҳоли этади, кайфиятни кўтариш билан бирга, томирларда қон оқими яхшилайди. Демак бизнинг аъзоларимиз қон орқали озиқа моддалар, кислород билан яхши таъминланади.

Ҳаммом жазирасида қон томирлари кенгайиши туфайли у қон босимига даво бўлади.

Маълумотларга қараганда, Киевдаги Тиббиёт муаммолари ва жисмоний тарбия илмий-тадқиқот институти клиникасида гипертония касаллигининг дастлабки босқичларини дори препаратларисиз, яъни ҳаммом, уқалаш ва сувли муолажалар билан даволанади. Ҳаммомнинг олиб борилган таъсирини санаб адо этиш қийин. Ҳаммом жазираси билан хатто бавосил, вена қон томирлари кенгайишига ҳам даво қилинади.

Хуллас, ҳар бир киши покизалик, орасталик талабларига риоя қиладиган бўлса, унинг саломатлиги рисоладагидек бўлади. Ҳар ҳолда сувли муолажалардан фойдаланишда шифокорларнинг маслаҳати ва тавсиясига таяниш лозим бўлади.

Умуман олганда, ўткир кўринишдаги касалликларда, сурункали касалликларнинг кучайган даврида, тана ҳарорати

Япония Бош вазири Дзюньитиро Коидзуми яқинда рўй берган цунами ва zilзилдан талафот кўрган давлатларга ёрдам беришга бағишланган халқаро анжуманда Япония ҳукумати томонидан тиклаш ишлари учун 500 миллион АҚШ доллари миқдориди маблағ ажратилишини маълум қилди.

ЯПОНИЯНИНГ БЕҒАРАЗ КЎМАГИ

Бош вазирнинг таъкидлашича, Япония учта асосий йўналиш бўйича — молиявий, инсонпарварлик ва интеллектуал ёрдам кўрсатишни кўзда тутмоқда.

Биринчи навбатда Япония ҳукумати 500 миллион АҚШ доллари миқдориди беғараз молиявий кўмак кўрсатади. Жумладан, унинг 250 миллион доллари халқаро ташкилотлар томонидан ажратилади.

Инсонпарварлик ёрдами сифатида Япония фалокат юз берган ҳар бир ҳудудга халқаро ёрдам кўрсатиш гуруҳини жўнатди. Ушбу ҳудудларда аллақачон тиббий ёрдам кўрсатиш

ишлари бошлаб юборилди. Шу билан бирга санитария шароитини яхшилаш борасида ишлар олиб борилмоқда. 2005 йилнинг 1 январидан фалокат юз берган ҳудудларга Япония муҳофаза кучлари юборилди.

Интеллектуал кўмак доирасида Япония Ҳинд океанига туташ давлатлар учун цунами яқинлашаётганлигини олдиндан огоҳлантирувчи тизим ишлаб чиқишга бел боғлаган.

Бундан ташқари, Япония томонидан ўрта ва узоқ муддатта мўлжалланган тиклаш ишларида ҳамкорлик қилиш режалаштирилган.

“Туркистон-пресс”

кўтарилганда, юрак яллиғлинишида, миокард инфарктида, тож-томилар яллиғланганда, юракнинг бежо уриши билан боғлиқ (тахикардия) бўлган касалликларда, юрак ҳамда буйрак етишмовчилиги билан кечадиган қон босимида ҳаммом жазирасидан фойдаланиш лозим кўрилмайдди. Шунингдек, ҳаммомнинг юқори саҳнига безгақ тутадиган камқон, мияси шикастланган, ўпка сили бор беморларнинг чиқishi тавсия этилмайди.

Тегишли соҳа шифокорларининг берган маълумотларига қараганда, сарик касаллигида, қон кетишга мойиллик бўлганда, яллиғлинишларда, кўз ҳамда қулқонинг ўткир касалликларида бўғнонадан фойдаланиш мумкин эмас.

Тетиклаштирувчи ванна. Уй шароитида қуйидаги сувли муолажаларда фойдаланиш мумкин. Бунинг учун яллиғ қайнатмаси, бир донна лимон шарбати ёки икки ош қошиқ сирка ва бир неча қошиқ ош тузи солинган обзандан фойдаланиш кишини тетиклаштириб, оёққа қувват бағишлайди, кайфиятини зиёда қилади.

Қад-қоматни тикловчи ванна. Тахминан 50 грамм мойичак (ромашка) гули ва 25 грамм атрофида қалампис, яллиғ баргини халтачага солиб, қаттароқ кастрюлкадаги қайнаб турган сувга осилтириб қўйилади. Бу

орада ваннага унчалик иссиқ бўлмаган сув солиб, унга кастрюлкадаги қайнатма қўйилади. Сўнгра то бўйинга қадар қўйилгунча сув солинган ваннага 20 дақиқа тушиб ётилади, бошга сочик буклаб қўйилади. Шундан кейин салқин мўрча (душ) тағида ювиниладиган бўлса, асаб тинчланади, уйқу «қучоқ очиб» келади, жисмоний меҳнат қилишга иштиёқ уйғонади.

Мўмиёли ванна. Мазкур амалдан фойдаланиш нафақат киши жисмоний толиққанда, балки асаб тарангланганда, диққи-нафас меҳнатдан сўнг ижобий таъсирини кўрсатади, жиззақилидан ҳоли этади, уйқуга ором бағишлайди. Асл мўмиё таркибида жуда кўп миқдорда микроуносурлар ҳамда биологик фаол моддалар бўлганлиги туфайли, кишининг қоматини яхшилайди, уни маълум даражада ёшартиради. Бунинг учун 5 грамм миқдорда мўмиё олиниб 500 грамм қайноқ сувда эритиб олинади ва обзандинг ярмигача тўлдирилган 30°ли сувга қўшиб юборилади. Одатда қандалик меҳнатдан сўнг бундай ваннада 15-30 дақиқа ётиш фойдали бўлади. Обзанди сувни эрталабгача қолдириб, унга иссиқ сув қўшиб яна муолажа қилса бўлади. Бундай тadbир кун ора 20 марта қабул этилса фойдаси равшан кўринади. Зарурат туғилса 10 кунлик танафусдан кейин муолажа яна қайтарилиши мумкин.

Тана орасталиги кўп жиҳатдан одамнинг соғ-саломат бўлишини таъминлайди.

Маннон НАБИБЕВ,
доришунос.

Муффа олам

ЎЗАРО
ТАЪСИР

Ҳозирги замон фан-техника тараққиёти даврида кунига юзлаб ахборотни қабул қилиб, уларни тегишли жойда ишлатиш бош миёдан маълум даражада фаоллик талаб қилади. Бунга ўзлаштириш учун бош миёдан ривожланиш вақтида керак бўлмаган ахборотдан соқит бўлиб, бир тилга монанд фаолият кўрсатиши лозим. Бунинг учун ҳар бир инсонни болалигидан ўз она тилига ўргатиш даркор.

Маълумки, ҳар бир тилда турли маънода ишлатиладиган ўзига яраша сўзлар ва шунга мос ишоралар бор.

Агар бир хил миллат яшайдиган туман, вилоят, республикага бошқа бир миллат вакили келиб туриб қолса, шу миллат тилидаги сўзларни ишлатиш натижа-сида юз мушаклари ва ўзига хос бошқа ҳаракатлари аста-секин шу миллатникига ўхшаб боради. Бир қанча вақтдан сўнг унинг ҳатто ташқи кўринишини ҳам шу миллатникидан ажратиш бўлмаслиги мумкин.

Бир тилни қанчалик яхши, тоза ва мукамал эгалласангиз бошқа тилларни эгаллаш шунчалик осонроқ кўчади, бу тилларда суҳбатлашиш раво ва сийлик бўлади.

ЁКИМТОЙ
ОВОЗ СЕҲРИ

Япониянинг Урай шаҳри чорраҳаларида янги яшил чироклар ишлаб турибди. Қизил чирок ёниши олдидан жуда ёқимли аёл овози янграб, йўловчиларнинг тўхтаб, яшил чирокни кутишлари сўралди.

Яшил чирок ёниши олдидан эса «Азизлар, чорраҳа йўли сиз учун очиқ, кўрсатилган йўлдан бемалол ўтаверинг!» деган сўзлар майин товушда эшитилди.

Ёқимтой овознинг кучи сеҳриданми, бу шаҳарда шу маҳалгача биронта пиёда йўл қондасини ҳали бузганича йўқ.

ЭНГ УЛКАН
МАХЛУҚ

Колорадо платоси (АҚШ)нинг жануби-ғарбидаги тоғлардан қадим замонларда яшаб ўтган ҳайвонларнинг қабри-ни топилди. Бу ерда гаройиб учар қаттақасаклар, бесўнақай тошбақа ва динозаврларнинг тошга айланган суяклари қўп-қўп қазиб олинди.

Узунлиги салкам уч метр-ли суяк ҳам топилди. У брахиозавр деган ҳайвоннинг қураги бўлиб чиқди.

Қурак суягининг ўлчамларига қараганда, бу махлуқ ер юзиде барча замонларда яшаб ўтган ҳамма мавжудотлар орасида энг улкани экан. Баҳайбат жониворнинг бўйи 25 метр бўлган, вази эса 80 тоннадан ҳам ортган. Бу — замонавий тепловознинг оғирлиги билан тенг.

Бўйининг ўзи 12 метр келадиган бу маҳобатли махлуқ бошини ҳозирги беш қаватли уйлارнинг томига қўя олар эди. Унга «Ультрававр» деган ном беришди.

Тадбирлар

АДИБ ХОТИРАСИГА
БАҒИШЛАНДИ

Ўзбекистон халқ ёзувчиси, ўзбек адабиёти ва илм-фани ривожига беқиёс ҳисса қўшган академик, адиб Мусо Тошмуҳаммад ўғли Ойбек таваллудининг 100 йиллиги муносабати билан шаҳримизда адиб ижодига бағишланган тадбирлар, ижодий кечалар, учрашувлар ўтказилмоқда.

Ана шундай кечалардан бири Тошкент Ислон университетида бўлиб ўтди.

Тадбирда Ислон университети қошида ташкил этилган академик лицей ўқувчилари ва ўқитувчилар иштирок этдилар. Мазкур академик лицей директори Содир Абдуллаев, филология фанлари номзоди Омонулла Мадаев ва ўқув маскани она тили ва адабиёт ўқитувчиси Шарофат Тошмирзаева адибнинг «Кутлуг кон», «Навоий» романлари, «Ўч» дostonи қаҳрамонлари хусусида тўхталиб ўтдилар. Хусу-

сан, асарлардаги образлар ўқувчилар билан биргаликда таҳлил қилинди. Ёзувчининг маҳорати, сўз бойлиги, серқирра ноёб истеъдоди яна бир бор уларни тўлқинлантириб юборди. 1-курс талабаси Азиза Ворисова Ойбекнинг «Наъматак» деб номланган шеърини ички бир ҳаяжон ила ифодали ўқиб йиғилганларнинг олқишига сазовор бўлди.

Мулоҳаза, мушоҳадага бой тарзда ўтган тадбир ўқитувчи ва ўқувчиларнинг қалбиде унутилмас таассурот қолдирди.

Гулнигор САТТОВА

САЛОМАТЛИКНИНГ
ИШОНЧЛИ ТАЯНЧИ

Тошкент Педиатрия тиббиёт институти клиникаси нафақат мамлакатимизда, балки Марказий Осиё минтақасида ҳам катта нуфузга эга бўлган шифо масканларидан бири ҳисобланади. Бу ерда болаларда учрайдиган турли касалликлар, жумладан юрак пороги, танглай ва ҳаракат аъзоларида мавжуд тугма нуқсонлар жарроҳлик йўли билан бартараф этилади.

Клиникада хорижлик мутахассислар билан ҳам яқин ҳамкорлик алоқалари ўрнатилган. Бунинг натижасида шифохонанинг болалар юрак жарроҳлиги, пластик жарроҳлик, кўз жарроҳлиги бўлимларида АҚШ, Корея, Россия каби давлатлардан келган юқори малакали шифокорлар иштирокида тиббиёт амалиётлари ўтказилмоқда. Утган йилнинг май ойида корейлик мутахассис-

лар томонидан болалар уйида тарбияланаётган 32 нафар боланинг жарроҳлик йўли билан даволанганлиги фикримизга яққол мисол бўла олади. Мутахассисларнинг фикрича бундай ҳамкорлик ва тажриба алмашишлар мамлакатимизда пластик жарроҳликнинг ривожланишига катта ҳисса қўшади.

Алоудин ҒАҒФОРОВ,
“Туркистон-пресс”

Кейинги пайтларда Тошкент шаҳар Ички ишлар бош бошқармасининг навбатчилик қисмига ёлгон хабар билан кўнгироқ қилиб, ички ишлар ходимларини қақиртириш ҳоллари учрамоқда. Минг афсусли, бирова ҳазиллашиб ёки қасд қилиш мақсадида ёлгон хабар бераётганларнинг бир нарсасига ақли етмайдики, ички ишлар идоралари ходимларини бекорга овера қилиб, вақтларини олиб, уларни қанчалик қимматга туширишмоқда. Айрим энгилтас одамларнинг бундай хатти-ҳаракатлари ички ишлар ходимларининг иш режаларини бузиб, олиб бораётган хизматларига халақит бермоқда. Ички ишлар ходимларининг тили билан айтганда бундай асаббузар ҳолларда қанчадан-қанча техника ва куч-маблағ, вақт сарфланмоқда.

Жиноят жазосиз қолмайди

ЁЛГОННИНГ УМРИ ҚИСҚА

Биз Тошкент шаҳар Ички ишлар бош бошқармаси навбатчилик қисми бошлиғи, подполковник Ҳамидулла ОЛИМЖОНОВ билан шу мавзуда суҳбатлашдик. — Бир сутка мобайнида «01», «02», «03» пультага 100 дан ортик ёлгон хабарлар келиб тушади. Шулардан ярмидан кўпи бизга келади. Ёлгон қақирувларнинг асосий қисми қаердадир портлаш моддаси қўйилганлиги, қаердадир ёнғин бошланганлиги, кимнингдир уйига ўғри тушганлиги ёки кимнидир ўлдирди кетишганлиги ҳақидаги хабарлардир. Хаттоки айрим шахслар ўз шахсий телефонларини текшириб кўриш мақсадида ҳам кўнгироқ қилиб, индамай қўйишади. Энг ёмони қимматли вақтимиз, кучимиз ва асабимизни йўқотмоқдамиз. Бир тасаввур қилиб кўринг-а, ходимларимиз ёлгон қақирувга етиб келган бир вақтда, шахарнинг бошқа жойида чиндан ҳам жабр кўриб, бизнинг ёрдамимизга муҳтож бўлиб кутиб ўтирган юзлаб одамлар ҳам борку. Ҳар бир вақт эса ғанимат. Бекорчи-

ликдан нима қилишини билмай «ҳазиллашини ёқтирадиган» қимсалар, қилмишлари жазосиз қолмаслигини билиб қўйсалар яхши бўлар эди. Чунки бугунги кунда, юқори технологияларнинг кучи ва ёрдами билан, бундай вазиятларда шахсларни аниқлаш имконияти мавжуд. Шу бугунга келиб аниқланган шахслар билан боғлиқ фактлар ҳам борки, «қасддан ёлгон хабар бериб ички ишлар ходимларини чалғитиш мақсадида» қилган қилмишлари учун улар Ўзбекистон Республикасининг Маъмурий жавобгарлик тўғрисидаги Кодексининг 199-моддаси билан маъмурий жавобгарликка тортилганлар. Яна шунга айтиб ўтиш шартки, юқоридаги тартибузарликларни содир қилаётган 16 ёшдан кичик бўлган шахслар ҳам (айнан улар кўпчиликни ташкил қилмоқда) жавобгарликка тортилиши мумкин бўлган шахслар ҳисобланиб, жабр кўрган томон, яъни ички ишлар идоралари ходимларининг суд ташкилотларига қилган шикоятларига кўра, фарзан-

дарининг «шўхлиги» учун ота-оналари маъмурий жавобгарликка тортилиб, уларга жарима солинади. Ҳурматли Ватандошлар! Агар Сиз ҳақиқатдан ҳам бирон бир жойда содир бўлган жиноят, тартибузарлик, қонунбузарликнинг ёки тайёрланаётган қўпурувчилик ҳаракатининг гувоҳи бўлиб қолсангиз, зудлик билан ички ишлар идораларига хабар беринг. Бу билан Сиз ички ишлар идораларига ва ўз фуқароларингизга, яшаётган юртингизга катта ёрдам қилган бўласиз. Фақат ҳамжихатлик билан бир-биримизни тушуниб, ҳеч қандай алдов, кўзбўямачиликларсиз, биргаликда биз ўз уйимизда ва кўчаларимизда, шаҳар ва юрти-мизда, бугунги кунда биз учун энг долзарб бўлмиш тинчлик ва тартибни ўрнатимиз мумкин. Бизнинг ишонч телефонларимиз: 133-64-97, 136-75-66, 136-75-82.

Юлдуз АШИРОВА,
Тошкент шаҳар ИИББ
Матбуот маркази катта
инспектори, майор.



— Биз ҳам Рустам Қосимжонов каби жаҳон чемпиони бўлишга ҳаракат қиламиз, — дейишмоқда ёш шахмат ишқибозлари.

Мамлакат

ЎҚУВЧИЛАРГА
МАНЗУР БЎЛДИ

«Камолот» ёшлар ижтимоий ҳаракати Шайхонтоҳур туман бўлими томонидан «Болалар гивандликка ва ОИТСга қарши» деб номланган кенг миқёсда деворий газеталар кўрпак-танловини ўтказилди.

Ушбу тадбирда шу тумандаги барча мактабларнинг 5-синфдан 10-синфгача бўлган ўқувчилари иштирок этди. Жами 65 та деворий газеталар қабул қилиниб, ушбу газеталарнинг моҳияти, мазмуни, кўриниши, оммабоплиги ҳайрат аъзолари томонидан баҳолаб борилди. ХХI аср вабоси ҳисобланмиш ОИТС касаллигининг зарарли оқибатлари, унинг жамият раванқига таъсири, ёш авлоднинг ушбу хасталикка муносабати каби мавзуларда тайёрланган деворий газеталарни саралаш ишлари 3 кун давом

этди. Деворий газеталарнинг кўрик-танлови 2 босқичда: саралаш ҳамда якуний баҳолаш босқичларида ўтказилиб, болаларнинг ҳаётимизга «оқ ажал» ва СПИДнинг қанчалик зарар етказиши мумкинлигини ўзида ифодалаган таъсирий санъат намуналарига катта эътибор берилди.

Мазмуни жиҳатдан мукамал баҳарилган деворий газеталар орасидан «Мазмун жиҳатдан энг яхши деворий газета» йўналиши бўйича биринчи ўрин 39-мактаб ўқувчиларига насиб этди. Кейинги, «Энг кўп маъ-

лумот тўплаган деворий газета» номинацияси бўйича иккинчи ўрин 180-мактаб ўқувчиларига, «Энг чиройли деворий газета» номинацияси бўйича учинчи ўрин 115-мактаб ўқувчиларига насиб этди.

Ўйлаймизки, болалар ўртасида ўтказилган ушбу долзарб мавзудаги танлов ва тадбирлар кейинчалик ҳам давом этади. Келажак авлодларини ушбу иллатлар ва касалликлардан узоқроқ юришларига, унинг оқибатлари ҳақида тасаввурларини кенгайтиришларига туртки бўлади. Юлдуз РИЗАЕВА

АБАДИЙ
ДЎСТЛИК
НАМОЙИШИ

Тошкентда Жанубий Корея ҳамда ўзбекистонлик рассомларнинг «Буюк Ипак йўли тенгдошлари» деб номланган кўргазмаси бўлиб ўтди. Кўргазма Корея Республикасининг мамлакатимиздаги элчихонаси, Ўзбекистондаги корей маданий марказлари уюшмаси ва Республика Бадий академияси ҳамкорлигида ташкил этилди.

Кўргазмада жанубий корейлик 24 нафар, ўзбекистонлик 20 нафар рассомнинг 100 га яқин рангтаъсир ва графика асарлари намойиш этилди.

Жанубий Корея Республикасининг Ўзбекистондаги Факултетада ва муҳтор элчиси Мун Ха Ённинг таъкидлашича, мазкур кўргазма икки халқнинг 1400 йил муқаддам бошланган дўстлиги ва ҳозирги кунда барча соҳаларда давом этиб келатган ҳамкорлигига бағишланди.

Мамлакатимизга ташриф буюрган корейлик рассомларнинг сўзларига кўра, улар Ўзбекистонга янги илҳом манбаи ва маънавий, маданий бойликка эга бўлиш мақсадида келишган.

Кўргазмада Самарқанд, Сурхондарё, Фарғона ва Хоразм вилоятларидан келган рассомлар иштирок этишди.

Н. ДВЛИСУПОВА,
«Туркистон-пресс»

Спорт

«ПАХТАКОР» — ЧЕМПИОНЛАР КУБОГИДА

15 январь куни Москвада футбол бўйича Ҳамдўстлик мамлакатлари чемпионлар Кубогининг навбатдаги мусобақалари бошланади. Унда мамлакатимизнинг ўтган йилги чемпиони — «Пахтакор» жамоаси ҳам иштирок этади.

Шуни таъкидлаш кераки, ушбу турнирда «Пахтакор» ёш ва янги ўйинчиларни янги мавсум олдидан синовдан ўтказиш мақсадида тажрибавий таркибда иштирок этади. Жумладан, Москвада футбол мухлислари «Пахтакор» таркибидан дарвозабонлар: Жўраев, Тожибоев, Ҳимоя, ярим Ҳимоя ҳамда ҳужум чизигида Гочкулиев, Суянов, К.Тожиев, Клецков, Исмоилов, Пономарев, Байрамов, Миронов, Вахобов, Исоқов, З.Тожиев, Еркинов, Шораҳмедов, Абдуллаев, Маҳмудов, Жатдоев, Ф.Тожиев каби ўйинчиларни кўришлари мумкин.

Албатта, нуфузли турнирда бундай таркибда қатнашишдан мақсад, биринчидан мавсум олдидан жуда муҳим синов вазифини ўтаса, иккинчидан энг иқтидорли ёшлар саралаб олиниб, аста-секин асосий таркибга киритиб борилади.

Мухлисларга маълум қиламиз: Бирлашган Араб Амирликларида бўлиб ўтган янги мавсумга тайёргарликнинг дастлабки босқичи ўқув-машқ йиғинлари давомида «Пахтакор» жами учта ўртоқлик-назорат учрашувларида иштирок этади. Юқоридаги ёшлардан иборат таркибда қатнашган жамоамиз маҳаллий «Ал-Араби» ва «Ал-Шабаб» жамоалари устидан бир хил — 2:0 ҳисобида устун келган бўлса, Россиянинг «Крилья Советов» жамоасига ўйинни 1:4 ҳисобидан бой берди.

Мавсумга тайёргарликнинг навбатдаги босқичларини «Пахтакор» дастлаб Тошкентда ўтказди. 11-22 февраль давомида эса Туркияда ўқув-машқ йиғинларини ўтказиш режалаштирилган.

(Ўз мухбиримиз)

«ҚУВНОҚЛАР ВА ЗУККОЛАР» ЯНАДА ОММАЛАШМОҚДА

Ўсиб келётган ёш авлоднинг истеъод ва маҳоратларини қўллаб-қувватлаш, рағбатлантириш ҳамда уларнинг ижодий парвозларига қанот бўлишида «Камолот» ёшлар ижтимоий ҳаракатининг ўрни каттадир. Зукко ва билимли, иқтидорли ҳамда интеллектуал ёшлар иштирокидаги барча тадбирларда «Камолот» ёшлар ижтимоий ҳаракати фаол қатнашмоқда.

Хусусан, юртимизда бир неча йиллардан буён ўтказиб келинаётган «Қувноқлар ва зукколар» мусобақасига ушбу ҳаракат бош-қошлик қилади. Таъкидлаш жоизки, ушбу мусобақа ёшларнинг билим ва тафаккурини чарчлайдиган, вақтини сермазун ўтказадиган ҳамда иқтидорларини юзага чиқарадиган энг қизиқарли кўрик-танлов ҳисобланади. Шу жумладан, мусобақага бўлган жиддий ёндашув чет эллик мутахассислар эътиборини ҳам

жалб этмоқда.

Куни кеча «Камолот» ёшлар ижтимоий ҳаракати қошидаги «Бунёдкор» ёшлар телеклубида юртимизга «Қувноқлар ва зукколар» мусобақаларини томоша қилиш, кўпқирралигини ўрганиш мақсадида ташриф буюрган Сангаджи Тарбаев билан оммавий ахборот воситалари ходимлари учрашуви ўтказилди.

Сангаджи Тарбаев бир неча йилдан буён Москвадаги Россия халқлар дўстлиги университети жамоасида

сардорлик қилиб келмоқда. Ўзига яраша кўплаб давлатларда мухлисларига эга РУДН КВН жамоаси 2004 йилги олий лига финалчиси бўлган.

— Ўз фаолиятим давомида кўп юрларда бўлиб «Қувноқлар ва зукколар» жамоаларининг чиқишларини томоша қилганман, — дейди Сангаджи Тарбаев. — Шуни айтишим кераки, сизларда ҳам ушбу кўрик-танловга катта эътибор берилар экан. Бунга мен жамоаларингиз фаолиятини кузатиб гувоҳ бўлдим.

Ёш сардор учрашувининг кейинги кунда ўтказиладиган Тошкент темир йўллари институтининг «Нон стоп» ҳамда Навоий тоғ-кон металлургия институтининг «Коста» жамоалари ўртасида бўлиб ўтадиган финал мусобақасига таклиф этилди.

Юлдуз УСМОН

ТИЖОРAT ХАБАРЛАРИ ВА ЭЪЛОНЛАР

«СУВСОЗ» ТРЕСТИ ДАВЛАТ УНИТАР КОРХОНАСИ

Энергия таъминловчи харажатларнинг нархи ошганлиги туфайли 2005 йил 1 февралдан кўрсатилган хизматлар учун аҳоли, бюджет ва иссиқлик таъминловчи корхоналарга тарифларнинг қайта киритилишини эълон қилади:

Сув таъминоти бўйича — 1 м³ учун — 30,00 сўм (КҚС сиз).

Оқава сув бўйича — 1 м³ учун — 20.00 сўм (КҚС сиз).

(13.01.2005 йил № 595 — ТГ — 2005 декларацияси бўйича).

ДУК «СУВСОЗ» ТРЕСТИНИНГ «УЛГУРЖИСУВСАВДО» ШЎЪБА КОРХОНАСИ

2005 йил 1 февралдан тижорат, саноат ва ишлаб чиқарувчи корхоналар учун кўрсатилган хизматларга тарифларнинг қайта киритилишини хабар қилади:

Сув таъминоти бўйича — 1 м³ — 55,80 сўм (КҚС сиз).

Оқава сув бўйича — 1 м³ — 25,00 сўм (КҚС сиз).

(06.02.2004 йил №514 — ТГ — 2004 декларацияси бўйича).

ЙЎЛОВЧИЛАР ДИҚҚАТИГА! 2005 йил 17 январдан бошлаб

Зарқайнар кўчаси, Эски Жўва майдонининг қайта таъмирланиши муносабати билан, шунингдек, Тошкент шаҳар ҳокимининг қарорига мувофиқ автобуслар ва микроавтобусларнинг йўналишлари куйидаги тартибда ташкил этилади:

— №№ 27, 62, 4м, 12 м, 24 м, 54 м — ҳар иккала йўналишда Самарқанд Дарвоза кўчасидан бошлаб А.Навоий кўчаси бўйлаб «Чорсу савдо маркази» автошоҳбекатига қадар;

— № № 32, 47, 132, 183 — ҳар иккала йўналишда Фурқат кўчасидан бошлаб А.Навоий, Беруний, Б.Зокиров, Эски Уйғур кўчалари бўйлаб «Уйғур кўчаси» бекатлар мажмуасига қадар;

— № 109 — ҳар иккала йўналишда Қорасарой кўчасидан бошлаб Ҳ.Асомов, Ф.Фуллом, А.Навоий, Беруний, Б.Зокиров, эски Уйғур кўчалари бўйлаб «Уйғур кўчаси» бекатлар мажмуасига қадар;

— № № 112, 123, 2 м, 7 м — ҳар иккала йўналишда Ф.Фуллом кўчасидан бошлаб А.Навоий, Беруний, Б.Зокиров, Эски Уйғур кўчалари бўйлаб «Уйғур кўчаси» бекатлар мажмуасига қадар;

— № 118 — ҳар иккала йўналишда Сағбон кўчасидан бошлаб Форобий, А.Содиқов, Беруний, А.Навоий кўчалари бўйлаб «Чорсу савдо маркази» автошоҳбекатига қадар;

— № 128 — Форобий кўчасидан бошлаб А.Содиқов, Беруний, А.Навоий кўчалари бўйлаб «Чорсу савдо маркази» автошоҳбекатига қадар битта йўналишда, қайта йўналишда эса «Чорсу савдо маркази» автошоҳбекатидан бошлаб А.Навоий, Беруний, Усмонхўжаев, Форобий кўчалари бўйлаб ва бундан кейин ўз йўналиши бўйича;

— № 147 — ҳар иккала йўналишда Беруний кўчасидан бошлаб А.Навоий кўчаси бўйлаб «Чорсу савдо маркази» автошоҳбекатига қадар;

— № 53 м — ҳар иккала йўналишда А.Навоий кўчасидан бошлаб Беруний, Б.Зокиров, эски Уйғур кўчалари бўйлаб «Уйғур» кўчаси бекатлар мажмуасига қадар;

— № 9 — ҳар иккала йўналишда А.Қодирий кўчасидан бошлаб Ф.Фуллом, А.Навоий кўчалари бўйлаб «Чорсу савдо маркази» автошоҳбекатига қадар.

— № № 42, 111, 3 м — ҳар иккала йўналишда Қорасарой кўчасидан бошлаб Ҳ.Асомов, Ф.Фуллом,

Фурқат кўчалари бўйлаб ва бундан кейин ўз йўналишлари бўйича;

— № 43 — Қорасарой кўчасидан бошлаб Ҳ.Асомов, Ф.Фуллом, А.Навоий кўчалари бўйлаб ва бундан кейин битта йўналишда ўз йўналиши бўйича;

— № 65 — ҳар иккала йўналишда Сағбон кўчасидан бошлаб Форобий, А.Содиқов, Беруний, А.Навоий, Ф.Фуллом, А.Қодирий кўчалари бўйлаб ва бундан кейин ўз йўналиши бўйича;

— № 76 — Форобий кўчасидан бошлаб А.Содиқов, Беруний, А.Навоий, Фурқат кўчалари бўйлаб битта йўналишда, қайта йўналишда эса Фурқат, А.Навоий, Беруний, Усмонхўжаев, Форобий кўчаларидан ва бундан кейин ўз йўналиши бўйича;

— № 35 м — ҳар иккала йўналишда Сағбон кўчасидан бошлаб Форобий, А.Содиқов, Беруний, А.Навоий, Фурқат кўчалари бўйлаб ва бундан кейин ўз йўналиши бўйича.

«ТОШШАҲАРЙЎЛОВЧИТРАНС» АКЦИЯДОРЛИК КОМПАНИЯСИ.



Бош муҳаррир Акмал АКРОМОВ

Манзилимиз: 700000, Тошкент шаҳри, Матбуотчилар кўчаси, 32

ТЕЛЕФОНЛАР:

хатлар — 133-29-70; эълонлар: 133-28-95, 132-11-39, факс: (3712) 133-29-09

Ҳажми — 2 босма таъриф объект устулча босилди. 2812 нуска босилди. Кўпга бичини А-3

Газета Тошкент шаҳар Матбуот ва ахборот бокчасида 02-1-рақам билан рўйхатга олинган.

Душанба, сешанба, chorshanba, пайшанба ва жума кунлари чиқади. Нашр кўрсаткичи — 563

Нашрни etkazib berish masalalari buyicha turar joylari pocha bldimlariga ekin «Toshkent pochamti»ga — 133-74-05 telefoniga murojaat qilishinigi mumkin.

Газета «Тошкент оқишми»нинг компьютер марказида терилди ва саҳифаланди.

«Шарк» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41-уй.